

Plaid sin via

Autor(en): **Deplazes, Gion / Pult, Jon**

Objektyp: **Preface**

Zeitschrift: **Romanica Raetica : perscrutaziun da l'intschess rumantsch**

Band (Jahr): **1 (1977)**

PDF erstellt am: **17.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Plaid sin via

La Società Retorumantscha presenta cun plascher la bibliografia *STUDIS ROMONTSCHS 1950-1977*. Igl ei in'ovra ord la fravgia digl Institut dal Dicziunari Rumantsch Grischun. L'idea d'ina tala, che prof.dr. Alexi Decurtins ha muentau el ravugl dalla suprastanza, ei sesviluppada ensemen cun las preparativas per la Scuntrada d'informaziun e studi. La bibliografia tschaffa il tschancun dils davos trenta onns e dat in'investa manedla ella retscherca romontscha. Savens survarga ella questa e cumpeglia era il Grischun en general ed intschess vischinonts. Il manual duei obtener en temps nizeivel in secund volum culs registers necessaris. La Società Retorumantscha spera ch'ils *STUDIS ROMONTSCHS 1950-1970* prestien buns survetschs era a tut tgi che sefatschenta sco amatur e laic cun damondas dalla historia dalla patria pli stretga, regiunala u locala.

Ei descha ussa d'engraziar a tuts quels che han contribuìu alla reussida dall'ovra. Il cauredatur mereta nossa renconuschientscha per sias stentas sco per il bien maun enten direger la curdia da lavur digl institut. Nus selegrein ensemen cun el ch'igl ei stau pusseivel d'interessar e motivar forzas giuwnas ch'ei semessas da curascha els stadals.

Quei vala cunzun per redatur dr. Hans Stricker, che ha, cugl agid da tuts, specialmein da nies assistent, lic.fil. Felix Giger, planisau e coordinau la campagna d'excerpts, la gruppaziun dil material e la formaziun ed execuziun dalla bibliografia.

Nus nummein plinavon nossa secretaria cumprovada, giuwna Emerita Manatschal, giuwna Ines Gartmann, cand.fil. Florentin Lutz, e lu buca d'emblidar las copistas endinadas, dunna Rita Cathomas-Bearth, dunna Ottilia Soler-Huonder, giuwna Genoveva Arquisch e giuwna Cornelia Flury. Grond engraziament a prof.Toni Nigg per l'execuziun digl emblem dalla nova retscha.

Aschia ha la Scuntrada mussau gia en sias entschattas che lavur cumina ei oz pli che mai pusseivla e profiteivla, e quei gest sil plaun scientific. Possi quei esser ina buna enzenna era pigl avegnir!

Cuera, per miez october 1977

Per la Società Retorumantscha:

Gion Deplazes, president

Jon Pult, vicepresident